

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA HAMSINI

19 JUNI, 2017



ORODHA YA SHUGHULI ZA LEO

MKUTANO WA SABA

KIKAO CHA HAMSINI – TAREHE 19 JUNI, 2017

I. DUA:

II. MASWALI:

OFISI YA RAIS (TAMISEMI):

408. MHESHIMIWA DEO KASENYENDA SANGA
(MAKAMBAKO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali iliahidi kufuta Ushuru mdogo mdogo unaokusanywa na Halmashuri ili Wajasiriamali wadogo wakiwemo akina mamalishe waweze kuongeza kipato kupitia shughuli zao:-

Je, ni lini Serikali itatoa tamko rasmi kwa Halmashauri zetu nchini ili wasikusanye tena Ushuru huo.

**409. MHESHIMIWA HASSAN SELEMAN KAUNJE
(LINDI MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Hospitali ya Rufaa ya Sokoine Mkoani Lindi inakabiliwa na changamoto mbalimbali ikiwemo ukosefu wa maji na ubovu wa vyoo katika Wodi zake; pia Watumishi wa Hospitali hiyo wamekuwa na lugha na huduma duni zinazokera Wateja:-

Je, Serikali ina mpango gani wa kutatua changamoto zinazoikabili Hospitali hiyo.

**OFISI YA MAKAMU WA RAIS (MUUNGANO NA
MAZINGIRA):**

**410. MHESHIMIWA FAKHARIA SHOMAR KHAMIS
(VITI MAALUM):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Uharibifu wa Mazingira nchini umeleta athari kubwa ya mabadiliko ya msimu wa kilimo, uhaba mkubwa wa maji na kukauka kwa vyanzo vya maji nchini:-

- (a) Je, Serikali inachukua hatua gani za makusudi za kudhibiti uharibifu huo wa mazingira hasa katika ukataji wa miti;

(b) Je, Serikali inasema nini juu ya kupanda miti katika mashamba ya Serikali na ya watu binafsi ili kusaidia kuondoa hali hii.

WIZARA YA MAMBO YA NDANI YA NCHI:

411. MHESHIMIWA RASHID ABDALLAH SHANGAZI (MLALO):

Atamuuliza Mheshimiwa Waziri wa Mambo ya Ndani ya Nchi:- Tanzania imeridhia na kuingia Mikataba mbalimbali ya Kimataifa ikiwemo Diplomasia ya Mahusiano:-
Je, ni nchi ngapi na zipi ambazo Watanzania wanaweza kuzitembelea moja kwa moja kwa utaratibu wa *Visa on Entry* wakati wa kuingia ukiondoa nchi za Jumuiya ya Afrika Mashariki.

WIZARA YA KILIMO, MIFUGO NA UVUVI:

412. MHESHIMIWA HALIMA ALI MOHAMED (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:- Tanzania ina dhamira ya kuwa nchi ya uchumi wa kati kwa kujikita katika uchumi wa viwanda; na viwanda vinategemea sana ukuaji wa Sekta ya Kilimo kwa ajili ya kupata malighafi:-

Je, Serikali imewekeza kiasi gani cha fedha kwa ajili ya utafiti wa kilimo (*Agricultural Research*) ili

kufanya tafiti za kilimo kubaini changamoto zinazodumaza kilimo nchini na kutoa ushauri kwa Wakulima ili kuongeza uzalishaji wa kilimo na hivyo kukuza Sekta ya Viwanda.

WIZARA YA MAJI NA UMWAGILIAJI:

413. MHESHIMIWA SELEMANI JUMANNE ZEDI (BUKENE):

Atamuuliza Mheshimiwa Waziri wa Maji na Umwagiliaji:- Kwa mujibu wa Sera ya Usambazaji wa Maji kutoka bomba kuu litakalotoa maji ya Ziwa Victoria kutoka Kahama hadi Tabora Mjini, ni kwamba, Vijiji vyote vilivyo ndani ya kilomita 12 toka bomba kuu vitaunganishwa na maji:-

Je, ni Vijiji vingapi vya Jimbo la Bukene ambavyo vimo ndani ya kilomita 12 vitaunganishwa maji kutoka bomba kuu hilo.

414. MHESHIMIWA PASCAL YOHANA HAONGA (MBOZI):

Atamuuliza Mheshimiwa Waziri wa Maji na Umwagiliaji:- Wakulima wa Wilaya ya Mbozi wamekuwa wakitegemea mvua za msimu zisizotabirika katika Kilimo chao:-

Je, Serikali haioni kwamba huu ni wakati muafaka wa kuanzisha Kilimo cha Umwagiliaji.

**415.MHESHIMIWA LATHIFAH HASSAN CHANDE
(VITI MAALUM):**

Atamuuliza Mheshimiwa Waziri wa Maji na Umwagiliaji:- Serikali ilianzisha Mradi wa kupeleka maji kwenye Mikoa ya Shinyanga, Tabora na Dodoma toka Ziwa Victoria Mkoani Mwanza; Mradi huu ulisaidia upatikanaji wa maji safi na salama pamoja na shughuli za kilimo:-

Je, kwa nini Serikali isianzishe Mradi kama huu kutoa maji kweye Mito ya Ruvuma na Rufiji kwa ajili ya wakazi wa Lindi na Mikoa jirani ili kukabiliana na tatizo la uhaba wa maji na kusaidia shughuli za kilimo na ufugaji.

V. HOJA ZA SERIKALI:

WAZIRI WA FEDHA NA MIPANGO:

Kwamba, Bunge likubali kujadili Hali ya Uchumi wa Taifa kwa Mwaka 2016 na Mpango wa Maendeleo wa Taifa kwa Mwaka wa Fedha 2017/2018.

Kwamba, Bunge likubali kupitisha Mapendekezo ya Serikali kuhusu Makadirio ya Mapato na Matumizi kwa Mwaka wa Fedha 2017/2018.

(Majadiliano yanaendelea)

**DODOMA
19 JUNI, 2017**

**DKT. T. D. KASHILILAH
KATIBU WA BUNGE**